

Komiti tsa Khansele ya Bosetšhaba ya Diporofense ka ga Maloko le Dikopo tsa Molao wa Porofense e lebelela Melaotlhomo Kakangwa go tswa go maloko ka bongwe a NCOP le dipeomolao tsa porofense.

Diphetišene di ka nna tsa tlišiwa mo Palamenteng le go isiwa kwa dikomiting tse di maleba tse di mekamekanang le morero o o tlhagisiwang mo phetišeneng.

Dikomiti tsa ka fa gare

Kokoano Bošetshaba e na le palo ya dikomiti tsa ka fa gare tse di mekamekanang le merero e e amang tsamaiso ya Palamente. Go le gantsi Komiti e dirwa ke Maloko a a kwa godimo a Palamente. Komiti ya Melao le dikomiti-tlaleletso tsa yona e mekamekana le melao ya Ntlo, tekanyetsokabo ya Ntlo, tshegetso ya Maloko, dithulaganyo tsa ka fa gare, le dithata le ditshwanelo tsa maloko. Dikomiti tse dingwe tsa ka fa gare ke Komiti ya Lenaneo eo e rulaganyang tiro ya Kokoano, Komiti Paakanyo, le Komiti ya Badulasetilo.

Khansele ya Bosetšhaba ya Diporofense e na le Dikomiti tsa yona tsa selegae. Komiti ya Melao le dikomiti-tlaleletso tsa yona di mekamekana le melao ya NCOP, tekanyetsokabo ya NCOP, ditshwanelo tsa bopalamente, dithulaganyo tsa ka fa gare le molao o o tlhophilweng. Komiti ya Lenaneo e dira dikatlenegiso ka ga tiro ya dikomiti le diforamo tse dingwe tsa NCOP.

Dikomitinakwana

Palamente kgotsa nngwe ya Dintlo tsa yona e ka tlhophiwa Komitinakwana fa go na le tiro e e kgethegileng e e tshwanetseng go dirwa. Fa tiro e weditsewe, Komiti e a phatlhaladiwa.

Dikomitikopanelo

Kokoano Bošetshaba le Khansele ya Bosetšhaba ya Diporofense mmogo di tlhophiwa palo ya dikomitikopanelo, sekao Komiti ya Tshekatshekosešwa ya Molaotheo.

Komitikopanelo ya Leruri ka ga Botlhodi le Komitikopanelo ka ga Tshireletso ke Dikomiti tse di tlhamilweng ka molao. Seno se kaya gore di theilwe ka Molaotheo kgotsa ka Molao wa Palamente, ga mmogo le go ya ka tsamaiso ya melao ya Palamente.

Dikomiti di tshameka karolo e e botlhokwa thata mo tsamaisong ya go aga temokerasi le go dira setšhaba go nna karolo ya ditsamaiso le ditiro tsa Palamente.

Phamfolete e e gona ka dipuo tsa semmuso tsotlhe di le tsa Aforika Borwa.



PARLIAMENT
OF THE REPUBLIC OF SOUTH AFRICA

Produced by the Public Education Office • Parliamentary Communication Services • INSPIRED BY PEOPLE
www.parliament.gov.za • P.O. Box 15, Cape Town, 8000 • Telephone: (021) 403 3341 • Facsimile: (021) 403 3303



PARLIAMENT
OF THE REPUBLIC OF SOUTH AFRICA



Seiswana
Dikomiti tsa Palamente
Dikomiti tsa Palamente

MAIKARABELO LE DITIRO TSA DIKOMITI MO PALAMENTENG

Dintlo di le pedi tsa Palamente, Kokoano Bošetshaba le Khansele ya Bošetshaba ya Diporofense, di dira ditiro tsa tsona mo nakong ya dikopano (fao Maloko a Ntlo a kopanang mmogo e le setlhopha se le sengwe), mo dikopanotshwaraganelong (fao Maloko a Dintlo ka bobedi a kopanang jaaka setlhopha se le sengwe), le mo Dikomiting (Ditlhotswana di le dinnye tsa Maloko).

Go dira mo Dikomiting go letla Palamente go:

- Oketsa selekanyo sa tiro eo e ka dirwang
- Netefatsa gore dintlha di ka ngangisanelwa go ya pele go na le kwa dikopanong
- Oketsa maemo a botsaakarolo jwa Maloko a Palamente (MPs) mo dipuisanong
- Kgontsha di MPs go nna le bokgoni le kitso e e tseneletseng ka karolo ya tiro ya Komiti e e rileng.
- Neela setšhaba lefelo go tlhagisa dikakanyo tsa bona ka tlhamalalo go bo MP, e leng selo se se sa kgonagaleng go ka dirwa mo kopanong ya Palamente
- Neela Palamente lefelo go reetsa bopaki le go kokoanya tshedimisetso e e mabapi le tiro ya Komiti e e rileng.

Ka kakaretso dikomiti di na le kemedi e e lekanang ya mekgatlho e e mo Palamenteng. Dikopano tsa Dikomiti di letlelela setšhaba go di tsenela, fela di ka nna tsa se ba letlelele fa go na le lebaka le le utlwalang la go dira seo.

Dikomiti tse di farologaneng di na le nngwe kgotsa go feta ya ditiro tse di latelang:

- Di ela tlhoko le go baya leitlho tiro le ditekanyetsokabo tsa mafapha a puso bošetshaba le go ba rweša maikarabelo
- Di tsaya tsia le go tlhabolola Melaotlhomō, mme gape ba ka nna ba e tlhagisa
- Di tsaya tsia dikopo tsa poraefete tsa maloko le tsa peomolao ya porofense le diphetišene tse di kgethegileng
- Di tsaya tsia ditumelano tsa boditšhabatšhaba
- Di sekaseka mafelo a a rileng a setšhaba kgotsa merero e e amang setšhaba
- Di tsamaisa merero ya selegae ya Palamente

Dikomiti di na le thata ya go bitsa mongwe le mongwe go tlhagelela fa pele ga tsona, go naya bopaki kgotsa go tlhagisa ditokomane. Ba ka tlhoka mongwe le mongwe kgotsa setheo go iponatsa kwa go bona. Dikomiti gape di ka amogela diphetišene, dikemedi kgotsa ditshwaelo go tswa mo setšhabeng. Komiti nngwe le nngwe e eteletswe pele ke Modulasetilo.

Dikomiti tsa Palamente

DIKOMITI TSE DI FAROLOGANENG TSA PALAMENTE

Komiti tsa Kokoano Bošetshaba

Kokoano Bošetshaba (NA) e tlhopha go tswa mo malokong a yona palo ya dikomiti tsa yona go lebelela tiro ya mafapha a a farologaneng a puso bošetshaba.

Maikarabelo a Dikomiti tsa Kokoano Bošetshaba ke go:

- sekaseka Melaotlhomō,
- Mekamekana le diboutu tsa ditekanyetsokabo tsa mafapha ,
- Lebelela tiro eo lefapha le rweleng maikarabelo a yona, go botsa le go dira dikatlenegiso ka ga ntlha nngwe le nngwe ya lefapha, go tsenyeletsa le popego, tiro le pholisi.

Tiro ya Dikomiti ga e felele fela mo pusong. Ba ka batlisisa morero mongwe le mongwe o o welang ka fa tlase ga maikarabelo a bona o o mo dikgatlhegong tsa setšhaba. Go na le Dikomiti tsa Kokoano Bošetshaba tebang le Lefapha lengwe le lengwe la bosetšhaba le ma/lefapha la puso le le golaganang le lona.

Dikomiti tsa Khansele ya Bosetšhaba ya Diporofense

Khansele ya Bosetšhaba ya Diporofense (NCOP) e tlhopha go tswa mo malokong a bona a leruri palo ya Dikomiti tsa yona go lebelela tiro ya mafapha a a farologaneng a puso bosetšhaba le go mekamekana le Melaotlhomō. Gonne maloko a le 54 mo go a le 90 a NCOP ke dikemedi tsa leruri fa go bapanngwa le a le 400 a NA, Dikomiti tsa Khansele ya Bosetšhaba ya Diporofense di lebelela go feta lefapha le le lengwe la puso bošetshaba.

Dikomiti tsa Matlole a Setšhaba

Komiti ya Leruri ya Matlole a Setšhaba ya Kokoano Bošetshaba e dira jaaka molebeledi wa Palamente go lebelela tsela eo Khuduthamaga e dirisang madi a baduelalekgetho ka teng. Ngwaga le ngwaga Morunikakaretso o bega pegelo ka ga tsamaiso ya diakhaonto le ditšhelete tsa mafapha a a farologaneng a puso le ditheo tsa Puso.

Baeteledipele ba mafapha a puso le ditheo ba bidiwa ka gale ke komiti e go tla go neela ka pegelo le go arabela ditshenyegelo. Komiti e ka tshwaela gore Kokoano Bošetshaba e tseye dikgato tsa paakanyo fa go tlhokagala.

Melao e e tlhamilweng ke Maloko le Dikomiti tsa Diphetišene

Melaokakangwa e ka tlisiwa ke Maloko a Kokoano Bosetšhaba ka bongwe. Melao e e lebelelwa ke Komiti ya Leruri ya Kokoano Bošetshaba ka ga Dikopo tsa Molao tse di Poraefete tsa Maloko le Diphetišene tse di Kgethegileng. Fa Komiti e dumelana le dintlhatheo tsa Molaotlhomō Kakangwa, Molaotlhomō o tla rulaganngwa le go ka ngangisanelwa ke Palamente.